



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Na osnovu čl. 7. i 8. Zakona o ministarskim, vladinim i drugim imenovanjima („Službene novine Federacije BiH“, br. 12/03, 34/03 i 65/13), člana 64. stav (7) Zakona o zdravstvenoj zaštiti („Službene novine Federacije BiH“, br. 46/10 i 75/13), člana 5. Odluke o standardima i kriterijima za imenovanje predsjednika i članova upravnih odbora javnih zdravstvenih ustanova čiji je osnivač Kanton Sarajevo („Službene novine Kantona Sarajevo“, broj 27/25), te člana 5. Odluke o standardima i kriterijima za imenovanje predsjednika i članova nadzornih odbora javnih zdravstvenih ustanova čiji je osnivač Kanton Sarajevo („Službene novine Kantona Sarajevo“, broj 27/25), Ministarstvo zdravstva Kantona Sarajevo, objavljuje

JAVNI OGLAS

za imenovanje predsjednika i članova upravnih i nadzornih odbora javnih zdravstvenih ustanova čiji je osnivač Kantona Sarajevo

Objavljuje se Javni oglas za imenovanje predsjednika i članova upravnih i nadzornih odbora javnih zdravstvenih ustanova čiji je osnivač Kantona Sarajevo, i to:

1. J.U. Dom zdravlja Kantona Sarajevo - predsjednik Upravnog odbora (ispred osnivača),
2. J.U. Zavod za zdravstvenu zaštitu žena i materinstva Kantona Sarajevo - 1 član Upravnog odbora (ispred stručnih radnika ustanove),
3. J.U. Zavod za hitnu medicinsku pomoć Kantona Sarajevo "Prim. dr. Silva Rizvanbegović" - predsjednik i članovi Nadzornog odbora,
4. J.U. Dom zdravlja Kantona Sarajevo - predsjednik Nadzornog odbora (ispred stručnih radnika ustanove)
(u daljem tekstu: zdravstvene ustanove).

Upravni odbor zdravstvene ustanove čiji je osnivač Kanton Sarajevo, je organ upravljanja zdravstvene ustanove, a shodno članu 64. stav (4) Zakona o zdravstvenoj zaštiti ima pet (5) članova i čine ga predstavnici:

- osnivača - tri (3) člana, od kojih jedan (1) mora biti ispred Ministarstva zdravstva Kantona Sarajevo,
- stručnih radnika zdravstvenih ustanova dva (2) člana, od kojih jedan (1) mora biti iz reda zdravstvenih radnika.

Nadzorni odbor zdravstvene ustanove čiji je osnivač Kanton Sarajevo, je organ kontrole poslovanja zdravstvene ustanove, a shodno članu 34. Zakona o ustanovama ima tri (3) člana i najmanje jedan (1) član nadzornog odbora se imenuje iz reda stručnih radnika zaposlenih u zdravstvenoj ustanovi.

Djelokrug rada upravnog odbora:

Upravni odbor zdravstvenih ustanova, u smislu člana 65. Zakona o zdravstvenoj zaštiti donosi Statut zdravstvene ustanove, imenuje i razrješava direktora zdravstvene ustanove, utvrđuje planove rada i razvoja i godišnji program rada, donosi finansijski plan i usvaja godišnji obračun, donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom, Statutom i osnivačkim aktom, odlučuje o svim pitanjima obavljanja djelatnosti radi koje je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa Osnivačem, odlučuje o korištenju sredstava

preko iznosa utvrđenog Statutom zdravstvene ustanove, odgovara Osnivaču za rezultate rada, odlučuje u drugom stepenu o prigovoru radnika na rješenje kojim je drugi organ određen Statutom zdravstvene ustanove odlučio o pravu, obavezi i odgovornosti radnika iz radnog odnosa, podnosi osnivaču najmanje jednom godišnje izvještaj o poslovanju zdravstvene ustanove, te vrši i druge poslove u skladu sa zakonom i Statutom, odnosno osnivačkim aktom ustanove.

Djelokrug rada nadzornog odbora:

Nadzorni odbor zdravstvene ustanove, u smislu člana 35. Zakona o ustanovama, analizira izvještaje o poslovanju zdravstvene ustanove, u obavljanju nadzora nad upotrebom sredstava za rad, pregleda godišnji izvještaj o poslovanju i godišnji obračun zdravstvene ustanove, pregleda i provjerava urednost i zakonitost vođenja poslovnih knjiga zdravstvene ustanove, te izvještava osnivača, upravni odbor i direktora zdravstvene ustanove o rezultatima nadzora.

Upravni/nadzorni odbor zdravstvene ustanove imenuje Vlada Kantona Sarajevo, na prijedlog Ministra zdravstva Kantona Sarajevo, na mandatni period od četiri (4) godine.

Kandidati koji se kandiduju na navedene pozicije dužni su ispunjavati sljedeće opće i posebne uvjete:

1. Opći uvjeti:

- a) da je državljanin Bosne i Hercegovine (dokaz: uvjerenje o državljanstvu ne starije od šest mjeseci);
- b) da je stariji od 18 godina (dokaz: rodni list ili ovjerena fotokopija rodnog lista ne starija od šest mjeseci);
- c) da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u periodu od tri (3) godine prije dana objavljivanja upražnjene pozicije (dokaz: izjava kandidata potpisana i ovjerena od strane nadležnog organa);
- d) da se na njega ne odnosi član IX.1. Ustava Bosne i Hercegovine - da nije pod optužnicom od strane Međunarodnog tribunala za bivšu Jugoslaviju (dokaz: izjava kandidata potpisana i ovjerena od strane nadležnog organa);
- e) da nije osuđivan za krivično djelo nespojivo sa dužnošću u upravnom/nadzornom odboru zdravstvene ustanove u čiji se upravni/nadzorni odbor kandiduje (dokaz: izjava kandidata potpisana i ovjerena od strane nadležnog organa da će u slučaju da bude izabran dostaviti uvjerenje da nije osuđivan za krivično djelo nespojivo sa dužnošću u upravnom/nadzornom odboru zdravstvene ustanove u koji se kandiduje);
- f) da mu nije izrečena zaštitna mjera vršenja poziva, djelatnosti i dužnosti u prekršajnom postupku, nespojiva sa dužnošću u upravnom/nadzornom odboru zdravstvene ustanove u čiji se upravni/nadzorni odbor kandiduje (dokaz: izjava kandidata potpisana i ovjerena od strane nadležnog organa, da će u slučaju da bude izabran dostaviti uvjerenje da mu nije izrečena zaštitna mjera vršenja poziva, djelatnosti i dužnosti u prekršajnom postupku, nespojiva sa dužnošću u upravnom odboru zdravstvene ustanove u koji se kandiduje);
- g) da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (dokaz: izjava kandidata potpisana i ovjerena od strane nadležnog organa);
- h) da nije u sukobu interesa u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22 - Ispravka i 52/22 - Ispravka), (dokaz: izjava kandidata potpisana i ovjerena od strane nadležnog organa).

2. Posebni uvjeti:

2.1. za Upravni odbor

- a) da ima završen VII (sedmi) stepen stručne spreme ili sistem studiranja po Bolonjskom

- procesu sa ostvarenih najmanje 240 ECTS studijskih bodova (dokaz: diploma ili uvjerenje o diplomiranju, te dodatak diplomi za kandidate koji su završili po Bolonjskom procesu)
- b) da ima najmanje pet (5) godina radnog staža na poslovima svog stručnog zvanja, nakon sticanja visoke stručne spreme (dokaz: potvrda o radnom stažu izdata od Zavoda PIO/MIO);
 - c) da nema privatni - finansijski interes u zdravstvenoj ustanovi u čiji se upravni odbor kandiduje (dokaz: izjava kandidata potpisana i ovjerena od strane nadležnog organa);
 - d) da nije direktor zdravstvene ustanove, a koja ima status pravne osobe (dokaz: izjava kandidata potpisana i ovjerena od strane nadležnog organa).

2.2. za Nadzorni odbor

- a) da ima završen VII stepen stručne spreme ili sistem studiranja po Bolonjskom procesu sa ostvarenih najmanje 240 ECTS studijskih bodova i najmanje tri godine radnog staža na poslovima svog stručnog zvanja, nakon sticanja visoke stručne spreme ili VI stepen stručne spreme i najmanje pet godina radnog staža na poslovima svog stručnog zvanja, nakon sticanja više stručne spreme ili IV stepen stručne spreme zdravstvenog usmjerenja i najmanje sedam godina radnog staža na poslovima svog stručnog zvanja, nakon sticanja srednje stručne spreme (dokaz: diploma ili uvjerenje o diplomiranju, te dodatak diplomi za kandidate koji su završili po Bolonjskom procesu i potvrda o radnom stažu izdata od Zavoda PIO/MIO);
- b) da nema privatni - finansijski interes u zdravstvenoj ustanovi u čiji se nadzorni odbor kandiduje (dokaz: izjava kandidata potpisana i ovjerena od strane nadležnog organa);
- c) da nije direktor zdravstvene ustanove, a koja ima status pravne osobe (dokaz: izjava kandidata potpisana i ovjerena od strane nadležnog organa).

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od šest mjeseci, kao dokaz o ispunjavanju općih i posebnih uvjeta traženih ovim oglasom. Obrazac prijave i obrasci izjava se mogu preuzeti sa web stranice Ministarstva zdravstva Kantona Sarajevo.

Prijave sa traženim dokumentima kao dokazom, se dostavljaju isključivo poštom preporučeno, u zatvorenoj koverti, sa naznakom „PRIJAVA NA JAVNI OGLAS – UPRAVNI/NADZORNI ODBORI JAVNIH ZDRAVSTVENI USTANOVA (navesti naziv javne zdravstvene ustanove u čiji se upravni/nadzorni odbor kandiduje) ČIJI JE OSNIVAČ KANTON SARAJEVO – NE OTVARAJ”.

U zavisnosti za koju poziciju u upravnom odnosno nadzornom odbor se prijavljuje kandidat shodno tome svoju prijavu i izjave prilagođava tom upravnom odnosno nadzornom odboru, uz obavezno navođenje i ispred koga se kandiduje (npr. ispred osnivača, ispred ministarstva zdravstva ili ispred stručnih radnika zdravstvenih ustanova.

Prijave koje ne sadrže propisano iz ovog oglasa, kao i prijave podnesene istekom roka utvrđenog u ovom oglasu, odbacit će se kao nepotpune odnosno neblagovremene, te se kao takve neće uzeti u razmatranje.

Prijave se dostavljaju na sljedeću adresu: Ministarstvo zdravstva Kantona Sarajevo, ul. Reisa Džemaludina Čauševića br. 1, Sarajevo.

Oglas ostaje otvoren 15 dana od posljednjeg objavljivanja ovog oglasa.

Javni oglas će biti objavljen u “Službenim novinama Federacije BiH”, dnevnim novinama „Dnevni avaz“, kao i na web stranici Ministarstva zdravstva Kantona Sarajevo: <http://mz.ks.gov.ba>.

Svi kandidati koji budu stavljeni na listu sa užim izborom, biće pozvani na intervju pred Komisijom za izbor.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije.

Kandidati koji žele aplicirati u više upravnih odnosno nadzornih odbora, obavezni su da za svaki upravni odnosno nadzorni odbor podnesu posebnu prijavu, s tim što u svakoj prijavi moraju naznačiti uz koju prijavu je priložena potrebna dokumentacija.

Na konačno imenovanje na pozicije predsjednika i članova upravnih odnosno nadzornih odbora javnih zdravstvenih ustanova čiji je osnivač Kanton Sarajevo, zainteresirana stranka može podnijeti prigovor u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Nakon završene procedure imenovanja, prijava i dokumentacija se neće vraćati kandidatima koji su aplicirali na ovaj javni oglas.

MINISTAR

Prim. mr sci. dr med. Enis Hasanović, s.r.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba